

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Broj:10/1-05-6063/17

Bihać, 05.09.2017.godine

GRADSKO VIJEĆE BIHAĆ

Na osnovu člana 52.tačka a). Statuta Grada Bihaća („Službeni glasnik Grada Bihaća“ broj 13/2015) i člana 140. Poslovnika Gradskog vijeća Bihać („Službeni glasnik Grada Bihaća “ broj 3/2016) Gradonačelnik, Gradskom vijeću dostavlja na razmatranje radi donošenja

ODLUKU

o izmjeni Odluke o radnom vremenu objekata u oblasti trgovine, ugostiteljstva, obrtničkih i srodnih djelatnosti na području Općine Bihać

(prijedlog)

O b r a z l o ž e n j e

Pravni osnov:

Pravni osnov za donošenje Odluke o izmjeni Odluke o radnom vremenu objekata u oblasti trgovine, ugostiteljstva, obrtničkih i srodnih djelatnosti na području Općine Bihać („Službeni glasnik Općine Bihać“ broj 8/13 i 9/15) sadržan je u članu 24. stav 1. Zakona o unutrašnjoj trgovini („Službene novine Federacije Bosne i Hercegovine“ broj 40/10), članu 11. stav 2. Zakona o ugostiteljskoj djelatnosti („Službene novine Federacije Bosne i Hercegovine“ broj 32/09), članu 40. Zakona o obrtu i srodnim djelatnostima („Službene novine Federacije Bosne i Hercegovine“ broj 35/09 i 42/11), i članu 35. stav 1. tačka c. Statuta Grada Bihaća („Službeni glasnik Grada Bihaća“ broj 13/2015), kojima se propisuje:

- Član 24. stav 1. Zakona o unutrašnjoj trgovini:
„(1) Radno vrijeme i raspored dnevnog i sedmičnog radnog vremena pojedinih objekata, radno vrijeme u dane državnih praznika i neradnih dana u kojima je trgovac dužan poslovati, te radno vrijeme za tržnice, sajmove, izložbe i druge povremene načine obavljanja trgovine utvrđuje nadležni organ.“

- Član 11. stav 2. Zakona o ugostiteljskoj djelatnosti:
„Radno vrijeme i raspored dnevnog i sedmičnog radnog vremena ugostiteljskih objekata, radno vrijeme u dane državnih praznika i neradnih dana u kojima je ugostitelj dužan poslovati, utvrđuje nadležni organ.“
- Član 40. Zakona o obrtu i srodnim djelatnostima:
„(1) Raspored minimalnog dnevnog i sedmičnog radnog vremena obrtnika, kao i minimalno radno vrijeme obrtnika u dane državnih praznika i neradnih dana za pojedine obrte utvrđuje se propisom općinskog, odnosno gradskog vijeća.
(2) Općinsko, odnosno gradsko vijeće za pojedine obrte može propisati raspored početka i završetka dnevnog i sedmičnog radnog vremena.“
- Član 35. stav 1. tačka c. Statuta Grada Bihaća :
„Gradsko vijeće u okviru samoupravnog djelokruga donosi odluke i druge opće akte kojima uređuje pitanja iz samoupravnog djelokruga Grada i daje njihova tumačenja.“

Razlozi za donošenje:

Odlukom o radnom vremenu objekata u oblasti trgovine, ugostiteljstva, obrtničkih i srodnih djelatnosti na području Općine Bihać („Službeni glasnik Općine Bihać“ broj 8/13) utvrđeno je radno vrijeme i raspored dnevnog i sedmičnog radnog vremena poslovnih subjekata, radno vrijeme u dane državnih praznika i neradnih dana, radno vrijeme duže od propisanog, uslovi za produženje radnog vremena i druga pitanja kojima se uređuje rad poslovnih subjekata na području općine Bihać.

Na inicijativu vlasnika ugostiteljskih objekata sa područja grada Bihaća koji su se obraćali sa molbom da se u gore navedenoj Odluci u članu 8.briše stav 1.sa ciljem lakše primjene Odluke u praksi kako od strane inspekcijskih organa tako i od strane pripadnika MUP-a-PS Bihać na 12.sjednici Graskog vijeća održanoj dana 10.07.2015.godine donešena je Odluka o izmjeni Odluke o radnom vremenu objekata u oblasti trgovine , ugostiteljstva , obrtničkih i srodnih djelatnosti na području općine Bihać. Ovim izmjenama u članu 8.brisan je stav 1.

Obzirom da se u posljednje vrijeme Gradskoj upravi,Gradonačelniku i Gradskom vijeću obraća sve veći broj građana koji traže da se problem prekomjerne buke u ugostiteljskim objektima riješi u što kraćem vremenskom periodu i omogući normalan rad i život građana Grada Bihaća pristupilo se ponovnoj izmjeni gore navedene Odluke i to u članu 8.

Pored ovog zaprimili smo i akt MUP USK-a ,Uprava policije,Prva policijska uprava Bihać, kojim ističu problem prekomjerne buke kao jedan od prioriternih problema koji treba kroz zakonske odredbe riješiti na području grada Bihaća.

Finansijski efekti:

Za realizaciju predložene Odluke nisu potrebna finansijska sredstva iz Budžeta grada Bihaća.

Prijedlog:

Na osnovu prednje izloženog, Gradonačelnik kao Ovlašteni predlagač, Gradskom vijeću predlaže da donese Odluku o izmjeni Odluke o radnom vremenu objekata u oblasti trgovine, ugostiteljstva, obrtničkih i srodnih djelatnosti na području Općine Bihać kao u Prijedlogu uz napomenu da će se nakon obavljenih sastanaka sa poslodavcima ugostiteljskih i trgovačkih objekata ,Gradskom vijeću dostaviti na usvajanje nova Odluka koja će biti terminološki i normativno usklađena i preciznije definisati ova oblast.

Prilog:

- Prijedlog Odluke o izmjeni Odluke o radnom vremenu objekata u oblasti trgovine, ugostiteljstva, obrtničkih i srodnih djelatnosti na području Općine Bihać
- Odluka o radnom vremenu objekata u oblasti trgovine, ugostiteljstva, obrtničkih i srodnih djelatnosti na području Općine Bihać.

Gradonačelnik
Šuhret Fazlić

Na osnovu člana 24. stav 1. Zakona o unutrašnjoj trgovini („Službene novine F BiH“ broj 40/10), člana 11. stav 2. Zakona o ugostiteljskoj djelatnosti (Službene novine Federacije BiH broj 32/09), člana 40. Zakona o obrtu i srodnim djelatnostima („Službene novine F BiH“ broj 35/09 i 42/11), i člana 35. stav 1. tačka c) Statuta Grada Bihaća („Službeni glasnik Grada Bihaća“ broj 13 /2015), Gradsko vijeće Bihać na _____ sjednici održanoj dana _____, donosi

O D L U K U

o izmjeni Odluke o radnom vremenu objekata u oblasti trgovine, ugostiteljstva,
obrtničkih i srodnih djelatnosti na području Općine Bihać

Član 1.

U Odluci o radnom vremenu objekata u oblasti trgovine, ugostiteljstva, obrtničkih i srodnih djelatnosti na području Općine Bihać („Službeni glasnik Općine Bihać“ broj 8/13 i 9/15) član 8. mijenja se i glasi:

- (1) U svim ugostiteljskim objektima iz člana 6. ove Odluke zabranjeno je izvođenje ili emitovanje muzike putem akustičnih uređaja na otvorenom prostoru poslije 23 sata.
- (2) Korištenje akustičnih uređaja (za emitovanje muzike i govora) na otvorenom prostoru dozvoljeno je do 23 sata ako nivo buke ne prelazi nivo propisane u Tabelama 1. i 2. i ako imaju ugrađen ograničivač nivoa reprodukcije zvuka propisanih Zakonom o zaštiti od buke („Službeni glasnik Unsko-sanskog kantona „broj 3/13).
- (3) Korištenje akustičnih uređaja (za emitovanje muzike i govora) u zatvorenim prostorima propisano je članom 16. Zakona o zaštiti od buke („Službeni glasnik Unsko – sanskog kantona“ broj 3/13)
- (4) U svim ugostiteljskim objektima iz člana 6. ove Odluke, zabranjeno je izvođenje ili emitovanja muzike na dan 11.07. svake godine.

Član 2.

U članu 14. u stavu (1) dodaje se tačka h) koja glasi :

„ h) izvodi ili emituje muziku putem akustičnih uređaja (za emitovanje muzike i govora) na otvorenom prostoru poslije 23 sata.“

Član 3.

Ova Odluka stupa na snagu osmog danom objavljivanja u Službenom glasniku Grada Bihaća.

Gradsko vijeće

Broj: _____

Bihać, _____

Predsjedavajući Gradskog vijeća

Davor Župa